

SPORAZUM O SARADNJI

Zaključen između:

1.UNIVERZITET U SARAJEVU, FAKULTETA POLITIČKIH NAUKA, Skenderija 72, kog zastupa **Dekan, Prof. dr. Sead Turčalo**,

i

2.JU „Kantonalni centar za socijalni rad“ Sarajevo, ul. Gatačka br. 80 1. kog zastupa **direktor mr.sc.Samir Suljagić**

Član 1.

Ovim Sporazumom se utvrđuju obaveze Fakulteta političkih nauka UNSA (u daljem tekstu: FPN) i JU „Kantonalni centar za socijalni rad“ (u daljem tekstu: Centar, koje se odnose na upućivanje i obavljanje prakse studenata Odsjeka za socijalni rad, kao i obaveze mentora i studenata za vrijeme obavljanja prakse.

Član. 2.

Međusobna saradnja između FPN i Centra zasnovana je na uzajamnoj saradnji, u cilju što uspješnijeg obavljanja prakse studenata.

Član 3.

U skladu sa Odlukom Vijeća Odsjeka za socijalni rad, studenti treće godine prvog (I) ciklusa studija dužni su da obave praksu u trajanju od deset (10) radnih dana, sa osmočasovnim radnim vremenom.

Član 4.

Za obavljanje prakse studenata Direktor Centra ili druga ovlaštena osoba određuje mentora, diplomiranog socijalnog radnika, odnosno socijalnog radnika sa bogatim radnim iskustvom.

Imena mentora prakse, koji će biti u stalnom kontaktu sa FPN, će se usaglasiti između FPN i Centra.

Član 5.

Sa ciljem praćenja obavljanja prakse studenata, FPN je u obavezi da odredi nastavnika/saradnika za stalni kontakt sa Centrom i mentorom prakse i planirane obilaskе studenata na praksi.

Nastavnik/saradnik, ovlašten od strane FPN, dužan je da se prije početka prakse studenata upozna sa djelatnošću i zadacima Centra, načinom organizacije rada, Pravilima o kućnom redu, zadacima i obavezama studenata za vrijeme obavljanja prakse u Centru, te da o svemu upozna studente prije dolaska na praksu, odnosno da ih pripremi za obavljanje prakse.

Za vrijeme obavljanja prakse studenata FPN u Centru, nastavnik/saradnik Fakulteta, mentor prakse i stručno osoblje Centra i FPN dužni su da međusobno sarađuju.

Član 6.

Mentor prakse je dužan da bliže upozna studenta sa načinom organizacije rada Centra, normativnim aktima i zadacima koje obavlja socijalni radnik u Centru. Mentor prakse je obavezan da studentu u skladu sa njegovim interesima obezbijedi kontakte sa drugim subjektima i uvid u dokumentaciju.

Mentor prakse je dužan da sarađuje sa nastavnicima i saradnicima Fakulteta političkih nauka, da ih obavještava o radu studenata na praksi i eventualnim problemima sa kojima se student ili mentor suočavaju.

Član 7.

Obaveza studenata je da se za vrijeme obavljanja prakse pridržavaju odredaba Pravila o kućnom redu Centra, da poštuju ličnost korisnika usluga i njihovu privatnost, da sa ličnim podacima koje saznaju i prikupe u toku obavljanja prakse postupaju u skladu sa Zakonom o zaštiti ličnih podataka, da čuvaju tajnost dokumenata i podataka koji predstavljaju službenu, poslovnu ili profesionalnu tajnu, te da u svemu postupaju u skladu sa zahtjevima i uputama mentora prakse.

Student je za vrijeme prakse dužan da se upozna sa osnovnim metodskim postupcima u socijalnom radu:

- vođenje prijemnog intervjua,
- socijalno dijagnosticiranje, evaluacija, prognoza,
- stručna obrada slučaja (socijalna anamneza),
- određivanje socijalne terapije i cjelokupni tretman klijenta,
- vođenje administracije i dr.

Član 8.

U skladu sa Nastavnim planom i programom FPN, student je dužan:

- provesti određen broj dana i sati na praksi,
- sačiniti dnevnik o svom radu koji mora da bude potpisan i ovjeren od strane mentora,
- sačiniti dvije socijalne anamneze,
- postupiti u skladu sa zahtjevima mentora, te da zajedno sa mentorom na kraju prakse urade evaluaciju i daju prijedloge za unaprijeđenje prakse,

- u roku od 15 dana po završetku prakse sačiniti i izvještaj i dostaviti ga na ocjenu nastavniku/saradniku Fakulteta.

Član 9.

Nakon potpisivanja Sporazuma, ukoliko to bude potrebno, zakazat će se sastanak na kojem će se sačiniti zajednički plan aktivnosti.

Član 10.

Ovaj Sporazum o saradnji ostaje otvoren za izmjene i dopune. Izmjene i dopune se vrše na osnovu prethodnog zahtjeva jedne od strana potpisnica.

Član 11.

Strane potpisnice Sporazuma o saradnji, ovaj Sporazum mogu jednostrano raskinuti u slučajevima:

- ako se utvrdi da ne postoje objektivne pretpostavke za uspješno izvođenje terenske nastave i
- ako se utvrdi da jedna od strana potpisnica Sporazuma ne postupa u skladu sa odredbama ovog Sporazuma"



Član 12.

Sporazum stupa na snagu danom obostranog potpisivanja, a primjenjivat će se u akademskoj 2020/2021 godini.

Član 13.

Ovaj Sporazum je sačinjen u 4 (četiri) istovjetna primjerka, od kojih svaka strana zadržava po 2(dva) primjerka.

mr.sc.Samir Suljagić



Broj: 01-3-2084-6/20

Sarajevo, 09.10.2020. godine

Bosna i Hercegovina
Federacija Bosna i Hercegovine
MINISTARSTVO ZA SOCIJALNI RAD
SARAJEVO

Broj: 357X-11-071-1301/20
Datum, 13. 10. 2020. god.